

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 10. Odluke o preuzimanju prava i obaveza osnivača i usklađivanju organizacije i poslovanja Javne ustanove Kantonalni zavod za medicinu rada („Službene novine Zeničko-dobojskog kantona“, broj: 11/12), na prijedlog Ministarstva zdravstva, Vlada Zeničko-dobojskog kantona, na 134. sjednici održanoj dana 26.02.2018. godine d o n o s i

ZAKLJUČAK

o davanju saglasnosti na Pravilnik o unutrašnjoj organizaciji i sistematizaciji Javne ustanove Zavod za medicinu rada i sportsku medicinu Zeničko-dobojskog kantona

I.

Daje se saglasnost na Pravilnik o unutrašnjoj organizaciji i sistematizaciji Javne ustanove Zavod za medicinu rada i sportsku medicinu Zeničko-dobojskog kantona broj: 7733/17 od 11.12.2017. godine, u skladu sa Odlukom Upravnog odbora Kantonalnog zavoda za medicinu rada i sportsku medicinu Zenica broj: 7724/17 od 08.12.2017. godine.

II.

Odluka Upravnog odbora iz tačke I. ovog Zaključka čini sastavni dio ovog Zaključka.

III.

Zaključak stupa na snagu danom donošenja.

Broj: _____/18
Datum, 26.02.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1x JU Zavod za medicinu rada i sportsku medicinu
(putem Ministarstva zdravstva),
1x Upravni odbor JU Zavod za medicinu rada i
sportsku medicinu (putem Ministarstva zdravstva),
1x a/a.

OBRAZLOŽENJE

PRAVNI OSNOV

Pravni osnov za donošenje Pravilnika o unutrašnjoj organizaciji i sistematizaciji Javne ustanove Zavod za medicinu rada i sportsku medicinu Zeničko – dobojskog kantona je član 65. stav 1. alineja 6. Zakona o zdravstvenoj zaštiti („Službene novine FBiH“ broj: 46/10 i 75/13), član 10. Odluke o preuzimanju prava i obaveza osnivača i usklađivanju organizacije i poslovanja Javne ustanove Kantonalni zavod za medicinu rada i sportsku medicinu („Službene novine Zeničko – dobojskog kantona“ broj: 11/12) i član 21. i 24. Statuta Javne ustanove Zavod za medicinu rada i sportsku medicinu Zeničko – dobojskog kantona.

Članom 65. stav 1. alineja 6. Zakona o zdravstvenoj zaštiti, propisano je da upravni odbor zdravstvene ustanove, između ostalog, donosi i opšti akt o unutrašnjem uređenju i sistematizaciji poslova, saglasno zakonu i statutu zdravstvene ustanove.

Upravni odbor Kantonalnog zavoda za medicinu rada i sportsku medicinu, Zenica na sjednici, održanoj dana 08.12.2017. godine, usvojio je Pravilnik o unutrašnjoj organizaciji i sistematizaciji JU Zavod za medicinu rada i sportsku medicinu Zeničko – dobojskog kantona.

Članom 10. Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za medicinu rada i sportsku medicinu Zeničko – dobojskog kantona, propisano je da Pravilnik o unutrašnjoj organizaciji i sistematizaciji Zavoda podliježe obaveznoj saglasnosti osnivača, te da saglasnost na Statut u ime osnivača daje Vlada Kantona.

RAZLOZI ZA DONOŠENJE

Razlog za donošenje novog Pravilnika o unutrašnjoj organizaciji i sistematizaciji Javne ustanove Zavod za medicinu rada i sportsku medicinu Zeničko – dobojskog kantona je **potreba za osiguranjem racionalne organizacije procesa rada u Zavodu, kao i usklađivanjem opisa poslova radnih mjesta, jer postojeći opisi poslova radnih mjesta, po svojoj sadržini ne predstavljaju realno opisani sadržaj poslova koje obuhvata svako pojedinačno radno mjesto, a što je neophodno za kvalitetnu organizaciju poslova Zavoda, odnosno punu zaposlenost i odgovornost radnika.**

Predloženim Pravilnikom ukida se stomatološka ordinacija, u kojoj su prema ranijem Pravilniku sistematizovana 4 izvršioca i to: 2 doktora stomatologije i 2 stomatološka tehničara. Razlog ukidanja stomatološke ordinacije je što prema članu 84. Zakona o zdravstvenoj zaštiti, **zubozdravstvena zaštita pripada primarnoj zdravstvenoj zaštiti i Zavodu se po tom osnovu ne dodjeljuju sredstva od Zavoda zdravstvenog osiguranja Zeničko-dobojskog kantona. Osim toga stomatološka ordinacija je kontinuirano proizvodila gubitke tako da ukupan gubitak u posljednjih 5 godina i osam mjeseci iznosi 382.581,04 KM, a navedeno je detaljno prikazano u tabeli koja je sadržana u obrazloženju Ju Zavod za medicinu rada i sportsku medicinu Zeničko-dobojskog kantona.**

OBRAZLOŽENJE POJEDINIH PRAVNIH RJEŠENJA

U odnosu na važeći Pravilnik smanjen je broj izvršilaca za četiri izvršioca, na način da su ukinuta 4 radnih mjesta i to: dva radna mjesta doktora stomatologije i 2 radna mjesta stomatološki tehničar, ali je uvedeno novo radno mjesto stručni saradnik za pravne poslove i koordinator kvaliteta, zbog potrebe certifikacije i akreditacije ustanove, prema Zakonu o zdravstvenoj zaštiti i članom 8. Zakona o sistemu poboljšanja kvaliteta, sigurnosti i akreditaciji u zdravstvu.

Postojeće radno mjesto VŠ medicinski laborant, preinačeno je u radno mjesto **diplomirani inženjer laboratorijske dijagnostike**, radi usklađivanja sa Standardima i normativima zdravstvene zaštite.

Postojeća radna mjesta, SS medicinska sestra – tehničar (dva izvršioca) preinačena su u radna mjesta **diplomirana medicinska sestra VSS prvi ciklus 180 bodova** (dva izvršioca), radi usklađivanja sa Standardima i normativima zdravstvene zaštite.

Ukinuto je radno mjesto šef odjeljenja za profesionalnu patologiju i toksikologiju i ocjenu radne sposobnosti i higijenu rada, s obzirom da ne postoji potreba za navedenim radnim mjestom i da nije bilo popunjeno, a navedeni poslovi se rade u okviru Službe za medicinu rada i sportsku medicinu, kojim rukovodi načelnik službe.

U Službi za ekonomsko, komercijalno i finansijsko poslovanje izmijenjeni su nazivi pojedinih radnih mjesta, radi usklađivanja sa važećim zakonskim propisima, bez povećanja broja izvršilaca.

Radno mjesto radnik na održavanju zgrade – domar, preinačeno je u radno mjesto radnik na održavanju zgrade – domar i lice odgovorno za provođenje mjera protivpožarne zaštite, radi sprovođenja Zakona o zaštiti od požara i vatrogastvu (“Službene novine Zeničko – dobojskog kantona“ broj: 5/11), jer važećim Pravilnikom uopšte nije bilo radnog mjesta koje je zaduženo za protivpožarnu zaštitu, čime je ispunjena zakonska obaveza na koju je ukazala inspekcija za protivpožarnu zaštitu, prilikom inspekcijuskog nadzora u februaru ove godine.

Toksikološki laboratorij je iz **Službe za laboratorijsku dijagnostiku, premješten u Odjeljenje za profesionalnu patologiju i toksikologiju i ocjenu radne sposobnosti i higijenu rada**, zbog praktičnih razloga povezanosti poslova toksikološkog laboratorija i navedenog Odjeljenja.

Za sva radna mjesta sačinjeni su novi opisi poslova, budući da isti nisu inovirani posljednjih deset godina.

Obzirom da je Upravni odbor JU Zavoda za medicinu rada i sportsku medicinu Zeničko-dobojskog kantona, dana 08.12.2017. godine, usvojio Pravilnik o unutrašnjoj organizaciji i sistematizaciji JU Zavod za medicinu rada i sportsku medicinu Zeničko – dobojskog kantona, neophodno je da Vlada Zeničko – dobojskog kantona donese Zaključak o davanju saglasnosti na Pravilnik.

FINANSIJSKA SREDSTVA

Za provođenje Pravilnika o unutrašnjoj organizaciji i sistematizaciji JU Zavod za medicinu rada i sportsku medicinu Zeničko – dobojskog kantona, predviđena su sredstva u Finansijskom planu JU Zavod za medicinu rada i sportsku medicinu Zeničko-dobojskog kantona.

Usvajanje Pravilnika neće i ne može proizvesti negativne efekte za JU Zavod za medicinu rada i sportsku medicinu Zeničko – dobojskog kantona, njegovu imovinu i poslovanje, odnosno imajući u

vidu gubitke koje je proizvodila stomatološka ordinacija, ukidanje iste će imati pozitivne
finansijske efekte po ovu ustanovu i stabilizaciju poslovanja.

Prilog: Izjava o fiskalnoj odgovornosti

Obrazloženje sačinila:

Indira Krujezić, sekretar Ministarstva

MINISTAR

dr Dragoljub Brenjo